



# *HASTA-HANA MESUDIJA*

## *Bosna i Hercegovina*



Na osnovu Zaključka na sjednici Udruženja broj: 25-09-5451/21 od 27.09.2021. godine,  
Udruženje građana Hasta-Hana Mesudija r a s p i s u j e

### **K O N K U R S**

#### **za dodjelu stipendija redovnim studentima prvog i drugog ciklusa studija s prebivalištem na području Bosne i Hercegovine za akademsku 2021/2022. godinu**

Pravo učešća na konkursu imaju kandidati koji ispunjavaju sljedeće uslove:

- a) da su državljani Bosne i Hercegovine;
- b) da imaju prebivalište na području Bosne i Hercegovine;
- c) da su redovni studenti prvog ili drugog ciklusa studija na visokoškolskim ustanovama u Bosni i Hercegovini ili izvan Bosne i Hercegovine, bez obzira na način finansiranja studija (redovni koje finansira osnivač visokoškolske ustanove i redovni samofinansirajući);
- d) da su upisali zimski semestar akademske 2021/2022. godine;
- e) da nisu stariji od 30 godina i da nisu ni u kakvom radnom odnosu.

Pravo učešća na konkursu nemaju:

- a) studenti koji imaju prosjek ocjena ispod 8.0 ;
- b) studenti koji primaju stipendiju od drugog stipenditora;
- c) studenti za koje je utvrđeno da su, protivno datoj izjavi u prethodnoj akademskoj godini, primili stipendiju od drugog stipenditora;
- d) studenti koji obnavljaju godinu studija;
- e) studenti koji su već jednom dobili stipendiju za određenu godinu studija na istom ili drugom fakultetu;
- f) studenti u statusu apsolventa;
- g) studenti koji su u akademskoj 2020/2021. godini ostvarili pravo na stipendiju kao studenti prve godine studija, a u akademskoj 2021/2022. godini ponovo upisali prvu godinu studija na nekom drugom fakultetu.

Uz prijavu na konkurs potrebno je dostaviti sljedeću dokumentaciju:

- uvjerenje o državljanstvu (ne starije od 6 mjeseci);
- prijava prebivališta (ne starija od 6 mjeseci);
- uvjerenje da je kandidat prvi put upisao odgovarajuću godinu studija u statusu redovnog studenta (obavezan podatak o ciklusu studija i semestru);
- za studente prve godine prvog ciklusa studija svjedodžbe I - IV razreda srednje škole;
- za studente prve godine prvog ciklusa studija dokaz o izboru učenika generacije u srednjoj školi;
- za studente druge i viših godina prvog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2020/2021. godini;
- za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući

- i ispite položene u akademskoj 2020/2021. godini (kao dokaz o položenim ispitima u prvom ciklusu studija moguće dostaviti dodatak diplomi, ukoliko postoji izvedena prosječna ocjena);
- izjava o zajedničkom domaćinstvu - kućna lista (ovjerena u šalter sali grada/općine, ne starija od 6 mjeseci);
  - dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plaće; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za 2021. godinu; za penzionere kopija posljednjeg čeka od penzije; za nezaposlene uvjerenje Službe za zapošljavanje; za nezaposlene koji nisu na evidenciji Službe za zapošljavanje kopija zdravstvene knjižice; za redovne učenike/studente uvjerenje o statusu; za članove domaćinstva mlađe od 6 godina, koji nisu školski obveznici, kopija izvoda iz matične knjige rođenih, bez dodatnog ovjeravanja i neovisno od datuma izdavanja dokumenta);

*NAPOMENA: Kandidati čija ukupna mjesečna primanja porodice po članu domaćinstva prelaze 350 KM, što znači da ne ostvaruju bodove po osnovu materijalnog statusa, nemaju obavezu dostavljanja dokaza o statusu i primanjima za svakog člana domaćinstva, a smatraće se da je dokumentacija potpuna.*

- dokaz o socijalnom statusu (studenti bez oba roditelja i studenti s invaliditetom);
- dokaz o pripadnosti romskoj nacionalnosti (ovjerena izjava kandidata i potvrda registriranog romskog udruženja);
- rodni list;
- potvrdu banke o broju računa na koji se može uplatiti stipendija (potrebno je da potvrda banke sadrži broj tekućeg računa aplikanta-kandidata i broj transakcijskog računa banke);
- ovjerenu izjavu:
  - a) izjava kandidata da ne prima stipendiju od drugog stipenditora,
  - b) izjava kandidata da nije ni u kakvom radnom odnosu,
  - c) izjava kandidata o pristanku korištenja dostavljenog broja bankovnog računa u svrhu konkursa.

Kandidati koji studiraju izvan Bosne i Hercegovine dužni su dostaviti uvjerenje koje izdaje visokoškolska ustanova prevedeno na jedan od službenih jezika BiH, kao i informaciju o sistemu ocjenjivanja, ukoliko se razlikuje od sistema ocjenjivanja u BiH.

Kriteriji za dodjelu stipendija bit će objavljeni na fb i instagram stranici U.G. Hasta-Hana Mesudija.

Bodovanje vrše komisija sastavljena od članova Udruženja, te objavljuju Preliminarnu i Konačnu preliminarnu listu kandidata koji su u konkurenciji za dodjelu stipendija. Kandidati za koje komisije osnovano utvrde da su dostavili netačne podatke neće biti uvršteni na Konačnu preliminarnu listu. Pravo na stipendiju ostvaruju kandidati koji su potvrđeni i na Konačnoj listi. Konačnu listu općine/gradovi objavljuju na oglasnoj ploči i web stranici.

Dokumenti koji se dostavljaju kao dokaz o ispunjavanju uslova moraju biti originali ili ovjerene kopije.

Prijavom na konkurs aplikanti-kandidati se slažu da se njihovi lični podaci mogu koristiti isključivo za potrebe konkursa.

Konkurs ostaje otvoren 30 dana od dana objavljivanja.

Prijave na konkurs sa potrebnom dokumentacijom dostaviti lično u prostorije Mesudije ili putem pošte na adresu Udruženja, sa naznakom „Prijava na konkurs za dodjelu stipendija U.G. Hasta-Hana Mesudija“.

Neblagovremene i nepotpune prijave neće biti razmatrane.  
Dostavljena dokumentacija se ne vraća.

Udruženje građana Hasta-Hana Mesudija  
Sagrđizije 48, 71 000 Sarajevo

